



## Høyringsbrev - forskrift om satsar for berekning av grunntilskot til private barnehagar i Etne kommune for 2027

Etne kommune legg med dette forslag om satsar for berekning av grunntilskot til private barnehagar i Etne kommune for tilskotsåret 2027 ut på høyring og offentleg ettersyn.

### Bakgrunn

Kunnskapsdepartementet fastsette 23. mars 2026 ny forskrift om finansiering av private barnehagar.

For tilskotsåret 2027 gjeld nytt finansieringssystem for private barnehagar.

Dei viktigaste endringane er:

- Tidlegare driftstilskot blir erstatta av grunntilskot og pensjonstilskot.
  - Satsane for grunntilskotet skal fastsetjast av kommunen i lokal forskrift.
  - Pensjonstilskot skal fastsetjast gjennom einskildvedtak for kvar privat barnehage.
- Tidlegare kapitaltilskot blir erstatta av eigedomstilskot. Satsane for eigedomstilskot blir fastsett nasjonalt av Kunnskapsdepartementet.

Som lokal barnehagemyndigheit skal etne kommune fastsetja satsar for grunntilskot til private barnehagar for 2027.

### Føremål

Føremålet med forskrifta er å fastsetja satsar som skal nyttast ved berekning av tilskot til privat barnehage i Etne i 2027.

Forskrifta skal sikra ei føreseieleg og etterprøvbar finansiering av private barnehagar.

## Rettsleg grunnlag

Kommunen skal fastsetja satsar for grunntilskot i lokal forskrift, jf. forskrift om finansiering av private barnehagar § 1.

Høyringa vert gjennomført i samsvar med reglane om utarbeiding av forskrift i forvaltingslova § 37. Forskrifta skal fastsetjast og kunngjerast i samsvar med forvaltingslova § 38.

## Berekningsgrunnlag

Etne kommune har nytta berekningsmodellen utvikla av KS og Private Barnehagers Landsforbund (PBL) som grunnlag for berekninga av satsane.

Modellen viser mellom anna:

- Rekneskapstal som ligg til grunn for berekningane
- Korrigeringar som er gjorde i samsvar med regelverket
- Utrekna satsar per heiltidsplass

Berekningsgrunnlaget blir sendt til dei private barnehagane i kommunen på e-post.

## Offentleg ettersyn

Forslag til forskrift om satsar for berekning av grunntilskot til private barnehagar i Etne kommune for 2027 er lagt ut til offentlig ettersyn i høyringsperioden. Høyringsbrevet og forskriftsutkastet er tilgjengelege på kommunen si nettside. Dokumenta kan òg gjerast tilgjengelege ved førespurnad til kommunen.

## Innspel til høyringa

Kommunen ber særleg om innspel til:

- om forskrifta er tydeleg og lett å forstå
- om forskrifta er tilpassa lokale forhold
- om det er feil eller uklarheiter i berekningsgrunnlaget
- om det er behov for presiseringar eller justeringar i forskrifta

Innspel kan sendast til:

E-post: [post@etne.kommune.no](mailto:post@etne.kommune.no)

Postadresse: Etne kommune

Sjoarvegen 20

5590 Etne

## Høringsfrist og vidare prosess

Høringsfristen er sett til 25. september 2026.

Etter høringsfristen er ute, vil kommunen vurdere innspela som er komne inn. Ei oppsummering av høringsinnspela og kommunen sine vurderingar vil lagt fram i samband med politisk handsaming av saka.

Kommunestyret behandlar forskrifta i møte 27. oktober. 2026.

Kjelder:

[Forskrift om finansiering av private barnehager \(finansieringsforskriften\) - Lovdata](#)

[Tilskuddssatser for private barnehager skal fastsettes som lokal forskrift | udir.no](#)

[Ny forskrift om finansiering av private barnehager - regjeringen.no](#)